

**Ismail al-Faruqi: Sumbangan dan Pengaruhnya kepada ABIM
(Angkatan Belia Islam Malaysia)**

Ahmad Nabil Amir¹ Tasnim Abdul Rahman²

Former associate research fellow, International Institute of Islamic Thought and Civilization
Kuala Lumpur¹

Fakulti Pengajian Kontemporari Islam, Universiti Sultan Zainal Abidin Terengganu²

nabiller2002@gmail.com

Abstract

The paper discusses the decisive impact of Ismail Raji al-Faruqi (1921-1986) on ABIM (Angkatan Belia Islam Malaysia – Malaysian Muslim Youth League) and the significant methodology and philosophy he developed that form ABIM's moderate and progressive outlook. The inspiring works of al-Faruqi such as al-Tawhid: Its Implications for Thought and Life; Hijrah: The Necessity of its Iqamat or Vergegenwartigung; Islam; Islamization of Knowledge and Islam and Other Faith; and his translations of Syaikh Muhammad al-Ghazali's Our Beginning in Wisdom (Min Huna Na'lam) and Khalid M. Khalid's From Here We Start (Min Huna Nabda') has been instrumental in moulding ABIM's principle ideology and school of thought. This paper will analyze this fundamental influence that al-Faruqi brought to ABIM and its significant in gearing momentous success in its dakwah and dialogue.

Keywords: *Al-Faruqi, Malaysia League of Muslim Youth; dakwah movement; intellectual tradition*

Abstrak

Kajian ini membincangkan sumbangan dan pengaruh al-Faruqi (1921-1986) kepada ABIM (Angkatan Belia Islam Malaysia – *Malaysian League of Muslim Youth*). Ia cuba melihat kesan dari manhajnya yang moden dan inklusif kepada perjuangan ABIM dan relevansinya dengan masyarakat di Malaysia dan aspirasi dakwah kontemporari. Dalam usahanya untuk merealisasikan cita-cita Islamiyyah, al-Faruqi telah mencetuskan pengaruh yang besar dalam manhaj dan pendekatan ABIM yang bergaris moderat dan sederhana. Beliau telah menggariskan falsafah dan metodologi yang signifikan dalam tulisan- tulisannya seperti *al-Tawhid: Its Implications for Thought and Life; Hijrah: The Necessity of its Iqamat or Vergegenwartigung; Islam; Islamization of Knowledge dan Islam and Other Faith*; dan terjemahannya kepada karya Syaikh Muhammad al-Ghazali *Our Beginning in Wisdom (Min Huna Na'lam)* dan Khalid M. Khalid *From Here We Start (Min Huna Nabda')* yang dirangkanya yang telah mencorakkan pandangan moderat dan progresif ABIM dan memberi dampak yang mendalam yang membentuk *weltanschauung* Islamnya yang dinamik. Kajian ini cuba melihat peranan al-Faruqi dalam mencorakkan idealisme dan menggariskan hala tuju perjuangan dan pemantapan dakwah ABIM dan dampaknya dalam aliran pemikiran, tradisi dakwah, dan dialog peradaban yang diperjuangkannya.

Kata Kunci: Al-Faruqi, ABIM, gerakan dakwah, tradisi intelek

PENDAHULUAN

Peranan al-Faruqi dalam perubahan dan transformasi nilai-nilai Islam di Malaysia cukup ketara yang menyaksikan penglibatan serius dalam gerakan dakwah di Malaysia sejak awal 70-an. Gagasan dan falsafah pemikirannya telah mengangkat kekuatan budaya dan tamadun dan melonjak perkembangan dakwah di Malaysia. Karya-karyanya mempunyai pengaruh yang besar dalam menggagas kefahaman dan fikrah Islam yang rasional dan dinamis. Buku-bukunya dijadikan teks wajib dalam gerakan Islam khususnya pertubuhan Angkatan Belia Islam Malaysia (ABIM) yang terpengaruh dengan corak dan aliran pemikiran Islam al-Faruqi yang moderat dan inklusif. Hasil penulisannya yang penting seperti *The Hijrah: the Necessity of its Iqamat or Vergegenwartigung* (Hakikat Hijrah, 1985); *Islam, Islamization of Knowledge: General Principles and Work-Plan; Trialogue of the Abrahamic Faiths; Tawhid: Its Implications For Thought and Life; Islam and the Problem of Israel; Islam and Other Faiths; The Cultural Atlas of Islam (Atlas Budaya Islam, 1992)* dan karya-karya besar yang diterjemahkannya seperti *The Life of [Prophet] Muhammad (saw)* oleh M. Husayn Haykal, *From Here We Start (Min Huna Nabda')* oleh Khalid M. Khalid, *Our Beginning in Wisdom (Min Huna Na'lam)* oleh Syeikh Muhammad al-Ghazali telah mewarnai kefahaman Islam dalam masyarakat dan mempertahankan warisan pemikirannya dalam budaya dan nilai-nilai Islam di Malaysia.

Al-Faruqi telah melakar hubungan dengan ABIM sejak tahun 1974, dari kunjungannya yang pertama ke Malaysia untuk menyampaikan pidato dalam Mukhtar Senawi ABIM yang ke-4. Beliau tampil atas undangan Presiden ABIM, DS Anwar Ibrahim dan atas kapasitasnya sebagai profesor dan sarjana Islam di Temple University untuk memberikan ucapan yang historik itu. Dalam bukunya, "*Debates on Islam and Knowledge in Malaysia and Egypt: Shifting Worlds*" Mona Abaza (2002) memaparkan permulaan hubungan al-Faruqi dengan ABIM yang diikat melalui Presidennya, DS Anwar Ibrahim. Ini dijelaskan dalam analisisnya tentang idealisme dan perspektif al-Faruqi tentang Islamisasi ilmu: "*al-Faruqi visited Malaysia many times, and it seems he maintained close contacts with the student movement around Anwar Ibrahim and ABIM (Muslim Youth Movement of Malaysia). He also built up a relationship with Mahathir, during his early years in the government as an adviser on the Islamization of culture.*" [al-Faruqi kerap kali melawat Malaysia, dan tampaknya beliau membuat jaringan dan hubungan yang akrab dengan gerakan pelajar dalam lingkungan Anwar Ibrahim dan ABIM (Angkatan Belia Islam Malaysia). Beliau juga mengadakan hubungan

dengan Mahathir, dalam tahun awalnya dalam kerajaan sebagai penasihat tentang Islamisasi budaya].

Ketika al-Faruqi menghadiri Persidangan Antarabangsa Ketiga tentang Islamisasi Ilmu yang diadakan di Kuala Lumpur, beliau telah membawa gagasan pembaharuan dan rekonstruksi pemikiran dan budaya yang diasak melalui IIIT dan membina jaringan yang kuat dengan rangkaian Islam di Malaysia seperti ABIM (Angkatan Belia Islam Malaysia). Pengaruhnya ini mendapat perhatian yang meluas dengan dukungan dan mandat oleh pemerintah. Kenyataan ini diungkapkan oleh Furlow (2005) dalam kajiannya: *"The Third International Conference on the Islamization of Knowledge convened in 1984 in Kuala Lumpur, Malaysia, and co-sponsored by the IIIT and the Malaysian Ministry of Youth and Culture also was important for bringing the IIIT's ideas to Malaysia. One participant at this conference was Prime Minister Mahathir Mohamad who stated his support for the IIIT's approach to Islamization."*

Justeru kajian ini bermaksud menyorot pengaruh al-Faruqi dan kesannya terhadap pembentukan kader dan rekrut dakwah ABIM dan implikasinya terhadap aspirasi intelektual dan garis perjuangannya yang bersifat moderat dan sederhana sebagai gerakan dakwah yang disegani dan berpengaruh di dunia Muslim.

METODE PENELITIAN

Metode kajian ini bersifat kualitatif yang mencakup studi pustaka dan analisis isi. Materi dasar dianalisis dengan teknik analisis Miles & Huberman iaitu reduksi data, penyajian data dan penarikan kesimpulan. Sumber maklumat didukung oleh data primer dan sekunder yang autoritatif dan dianalisis secara deskriptif, interaksionis, historis, empiris, diskursif, tematis dan sintesis berdasarkan teori hermeneutika Fazlur Rahman, pendekatan etis Tariq Ramadan, perspektif kontekstualis Khalid Abou el-Fadl dan Abdullah Saeed dan kaedah wacana kritis Norman Fairclough.

HASIL DAN PEMBAHASAN

Idealisme dan pandangan yang dipertahankan oleh al-Faruqi mempunyai pengaruh yang kuat dalam corak pemikiran ABIM dan legasinya terus memberi impak kepada aspirasi dan tradisi intelek dan harakat dakwahnya. Karya-karyanya yang prolifik telah diterjemah dan diterbitkan secara konsisten oleh ABIM seperti *The Hijrah: the Necessity of its Iqamat or Vergegenwartigung* (Hakikat Hijrah, 1985), dan *Islam and Culture* (1983). Selain itu, Dewan Bahasa dan Pustaka (DBP), Institut Terjemahan dan Buku Malaysia (ITBM) dan Thinker's

Library juga telah menterjemahkan karya-karya utamanya seperti *Atlas Budaya Islam* (1992), *Pengislaman Ilmu* (1991), *Kesenian Islam* (1990), *Fikiran dan Budaya Islam* (1990), *Tauhid: Implikasinya kepada Kehidupan dan Pemikiran dan Trilog antara Agama-agama Abraham, dan Islam dan Kepercayaan Lain* (ITBM, 2008).

Tuan Presiden turut menyerahkan surat kepadanya menjelaskan tentang pendirian ABIM tentang dasar dan inisiatif Islam yang diambil oleh kerajaan. Surat itu dibalas oleh al-Faruqi setelah pulang ke Amerika, yang menyarankan supaya ABIM memberi respons yang positif kepada komitmen kerajaan untuk menerapkan nilai-nilai Islam dan menyokong visi pemerintah untuk mengangkat dan menyemarakkan syiar Islam dalam urusan pentadbiran dan tatacara pentadbiran, demi kemaslahatan umat.

Ini ditekankan dalam suratnya yang bertarikh 26 Januari, 1981: "*it is therefore my and my colleagues' judgment that you ought to respond to Dr. Mahathir's gesture of good will (his removal of restrictions and stopping of harassment) with an equal or superior gesture of support and cooperation.*" (1981)

Dalam warkah itu juga, al-Faruqi menzahirkan rasa sukacita dengan kerjasama dan iltizam yang dipamerkan oleh ABIM, dan melahirkan keyakinannya terhadap aspirasi perjuangan yang dipertahankan dan manhaj pergerakannya yang ideal: "*Malaysia is also especially fortunate to have a vigorous Islamic movement led by you with responsibility and clear vision, in pursuit of the universal rational goals of Islam. My colleagues and I are proud and happy to be associated with you*" (1981).

Al-Faruqi menaruh keyakinan yang tinggi terhadap masa depan ABIM dan telah menghulurkan sokongannya untuk meraih dukungan yang substantif dari kerajaan Saudi, dalam mendepani cabaran dari krisis kewangan yang hebat yang dihadapi oleh gerakan Islam, sebagaimana ditunjukkan dalam suratnya kepada Presiden ABIM. Beliau telah meminta Mahathir untuk merayu kes ABIM di Arab Saudi, tujuannya untuk mendapatkan peruntukan segera dalam jutaan dolar untuk disalurkan kepada bangunan ABIM, supaya persediaan yang wajar untuk pembinaan dapat dimulakan segera. "*I have asked Mahathir to plead ABIM's case in Saudi Arabia, the purpose of being to obtain a quick release of the million dollars committed to the ABIM building, so that the necessary preparations for construction could begin forthwith. Indeed, I have asked him to seek far more funds from the Muslim states represented at the summit, for Islamic da'wah in Malaysia and Southeast Asia.*" (1981)
[Malah, saya telah meminta beliau untuk mendapatkan peruntukan yang lebih banyak dari

negara-negara Islam yang mewakili sidang puncak, bagi tujuan dakwah Islam di Malaysia dan Asia Tenggara].

Dengan hasrat untuk menegakkan pembaikan dan islah dan untuk merevitalisasi semangat ukhuwwah sebagai “rakan sekerja-Islam”, beliau meyakinkan ABIM untuk menjauhi konflik dengan kerajaan dan bekerja ke arah perpaduan, yang cukup penting bagi kebangkitan Islam dan ketahanan ummah. al-Faruqi juga berkata *“in light of this great objective, every dispute or difference loses its significance. Our and your task is to pull together behind his leadership, to spare no erg of energy in fulfilling this crucial Islamic goal...it is therefore my and my colleagues’ judgment that you ought to respond to Mahathir’s gesture of good will (his removal of restrictions and stopping of harassment) with an equal or superior gesture of support and cooperation. It is not only becoming, but imperative for the Islamic movement publically to proclaim its slate clean of any condemnation of the Government’s policies of Malay reconstruction...in the name of Allah and the interest of the Islamic world movement, I renew my appeal to you to do everything in your power to break the frigid ice that has formed between the movement and the government and to move closer toward shura and cooperation in obedience to Allah Ta’ala and His Prophet (saw)”* (1981).

[Berdasarkan kepada objektif yang besar ini, setiap perbalahan atau pertentangan hilang ertinya. Tugas saya dan saudara adalah untuk menggembleng kekuatan bersama di belakang pentadbirannya, dengan tidak menyisakan sedikit tenaga dalam menyempurnakan tujuan Islam yang penting ini...ianya justeru penilaian saya dan rakan-rakan bahawa saudara harus merespons kepada isyarat Mahathir dari niat yang baik (penyingkirannya terhadap sekatan dan penghentian dari gangguan) dengan isyarat yang serupa atau lebih dari dukungan dan kerjasama. Ia tidak hanya pantas, bahkan wajib bagi gerakan Islam secara publik untuk memproklamasikan rekodnya bersih dari sebarang kecaman terhadap polisi kerajaan dalam upaya rekonstruksi semula Melayu...dengan nama Allah dan kepentingan gerakan dunia Islam, saya memperbaharui rayuan saya kepada saudara untuk melakukan segala yang terdaya dalam upaya saudara untuk mendobrak benteng yang dingin yang telah terbentuk antara gerakan dan kerajaan dan untuk mara lebih hampir kepada shura dan kerjasama dalam kepatuhan kepada Allah Ta’ala dan RasulNya (saw)].

Terakhir al-Faruqi ke Malaysia adalah pada 23-31 Julai 1984, ketika menghadiri Persidangan Pendidikan Islam ke-4 di Kuala Lumpur yang dianjurkan bersama oleh IIIT, Washington dan Kerajaan Malaysia. Beliau hadir memberikan ucap tamsil dan membentangkan kertas kerjanya yang bertajuk *“Toward a Critical World Theology”*. Kertas-kertas kerja yang

ditulisnya dan warisan pemikirannya kini banyak dikembangkan dalam perencanaan polisi tentang Islam di Malaysia dan dalam manhaj pergerakan ABIM.

IMPLIKASI PEMIKIRAN

Gerak kerja dan hala tuju perjuangan ABIM banyak terpengaruh oleh weltanschauung Islam al-Faruqi dan kerangka pemikirannya yang proaktif dan inklusif. Asas gerakan dan prinsip perjuangannya berakar dari kefahaman Islamnya yang menekankan pada prinsip tawhid, karamah insan dan idealisme Islam yang universal. Ini direalisasikan dalam perjuangan ABIM untuk mempertahankan aspirasi moral, menuntut perubahan dan islah, menyemarakkan harakat dakwah, menggembeleng masyarakat madani, dan memperjuangkan hak-hak sivil dan prinsip-prinsip demokratik. Hasrat dan idealisme perjuangan ini diuraikan dengan tuntas oleh John O. Voll (1994): *"ABIM called for a more political and economic system based on the principles of Islam and a rejection of capitalism and socialism. Anwar Ibrahim, the leader of ABIM during the 1970s, emphasizes that the Islamic resurgence is not essentially anti-Western but is part of the long historical process of bringing Islamic practice into line with the demands of the Quranic revelation and would be taking place whether or not the West had expanded. For him, the ideal of tawhid means that there must be a constant effort to improve human society. He notes that in a pluralist society like Malaysia, Islamic political action must involve cooperation with non-Muslims, and he emphasizes that a truly Islamic society will be democratic and tolerant"*

Fikrah tawhid ini juga banyak diketengahkan ABIM dalam polisi dan pendekatan dasarnya, seperti dirumuskan oleh saudara Haji Amidi Abdul Manan (2005 -), Presiden ABIM dalam ucapan dasarnya ketika Mukhtamar Sanawi ABIM ke-41: "Keberanian umat Melayu lahir daripada perubahan 'pandangan sarwa' yang tauhidik sifatnya. Ia membebaskan umat Melayu daripada segala pembelengguan yang merugikan. Membina pandangan hidup yang jelas fungsi dan aturannya, serta membina sistem kehidupan yang berteraskan kalimah syahadah yang akhirnya mengangkat martabat diri umat Melayu." Beliau turut menambah: "segala kekuatan pembinaan bangsa seharusnya terpusat pada memartabatkan karamah insaniah. Yang mengangkat nilai diri manusia dan dipacu oleh kemampuan akal fikiran. Bukan persoalan hak dan sentimen semata-mata, yang akhirnya memerangkap kita dalam asabiyyah sempit dan merugikan." (2012)

Dari usaha penulisan dan sumbangan pemikirannya al-Faruqi telah membawa pencerahan dan kekuatan pengaruh kepada ABIM. Harakat perjuangannya sejak awal telah

dilatari oleh idea dan pemikirannya untuk menuntut perubahan dan kebangkitan. Ini ditegaskan oleh Hazarudin Baharudin (2002, 37) dalam tesisnya: “melalui gerakan ABIM lah, maka segala gagasan besar yang diilhamkan oleh al-Faruqi seperti proses Islamisasi telah dipopularkan di Malaysia, melalui bengkel, simposium dan seminar yang diadakan. Bukan itu sahaja, malah al- Faruqi telah dijemput untuk membentangkan kertas kerja di dalam program yang dianjurkan oleh ABIM.”

Fikrah dasar dari perjuangan ABIM jelas diinspirasi dari kerangka pemikiran al-Faruqi yang ditegakkan dalam kegiatan usrah dan tamrin dan pelatihan kader. Falsafah perjuangan ABIM turut terkesan oleh idealisme yang dibawa oleh gerakan Islam seluruh dunia seperti Jamaat-i Islami di Pakistan dan Ikhwan al-Muslimun di Mesir dan kempen perubahan dan cita-cita nahdah yang dipelopori oleh kaum revivalis seperti al-Mawdudi, Syed Qutb, al-Faruqi, dan al-Attas, seperti dirakamkan oleh John Obert Voll (1994, 347): “*ABIM leaders were influenced by the ideas and experiences of the Jamaat-i Islami in Pakistan and the Muslim Brotherhood in Egypt, and by scholars in the emerging global network of Muslim revivalists like Ismail al- Faruqi, a Palestinian teaching in the United States, and a noted Malaysian scholar, Syed Naquib al-Attas*”.

Pengaruh al-Faruqi yang meluas ini juga banyak diperjuangkan dan dipelopori oleh mantan presiden ABIM seperti Dato Seri Anwar Ibrahim (1974-1982) dan Dr. Muhammad Nur Manuty (1991-1997), yang menerajui perjuangan dan kepimpinannya sejak akhir 70an yang berusaha mengasak dan mengembangkan pengaruh dan aliran pemikiran al-Faruqi di kalangan pucuk pimpinan dan akar umbi. Aspirasi perubahan ini turut diperkukuh dengan inisiatif ABIM untuk menyebarluas dan menterjemahkan buku-buku al-Faruqi. Usaha untuk meneruskan legasi dan melanjutkan warisan pemikirannya ini turut digerakkan melalui WADAH (Wadah Pencerdasan Umat Malaysia) dan PKPIM (Persatuan Kebangsaan Pelajar Islam Malaysia).

METODOLOGI DAKWAH

Pendekatan dakwah ABIM jelas dipengaruhi oleh fikrah dan ideologi yang dibawa al-Faruqi. Ia mengetengahkan prinsip dan manhaj dakwah yang berdasarkan *al-hikmah* (kebijaksanaan), dan kaedah musyawarah serta berpijak kepada tuntutan realiti masyarakat Malaysia (*manhaj Malizi*). Ini ditekankan oleh al-Faruqi dalam risalah-risalah dakwah yang ditulisnya, yang menuntut pendekatan yang realistik dan inklusif dan cara *al-hikmah* (kebijaksanaan) dalam berhujah dengan ahli kitab – yang jelas terkesan dari manhaj yang

digariskan oleh Ibn Taimiyah. Manhaj ini dirujuk dari keterangan al-Qur'an: "Serulah ke jalan Tuhanmu dengan hikmah dan nasihat yang baik; dan berhujahlah dengan mereka dengan cara yang terbaik dan beradab: kerana Tuhamu yang mengetahui, siapa yang telah tersesat dari jalanNya, dan siapa yang memperoleh petunjuk." al-Nahl [16:125].

Sayid M. Rashid Rida dalam Tafsir al-Manar, mendefinisikan hikmah sebagai "memahami rahsia dan faedah dari sesuatu" (1337 H). Manakala ABIM mendefinisikannya sebagai "tindakan secara fizikal atau spiritual, sikap dan cara yang menandakan tentang Muslim sebenar yang memahami Islam dengan meningkatkan diri mereka dari masa ke semasa" (2004). *Manhaj Malizi*, yang diperjuangkan oleh ABIM adalah berteraskan aspirasi dakwah yang digagaskan oleh mantan presidennya, Dr Siddiq Fadzil (1983-1991) yang bermaksud mengekalkan model kita yang tersendiri tanpa menyalin dari operasi luar (2004). Ini menghendaki pemahaman tentang cabaran yang berbeza di tempat dan lingkungan yang berlainan. Ia melihat kerangka kontekstual dan realiti semasa. Ini dibayangkan oleh Ahmad Azam Abdul Rahman, yang menerajui ABIM dari 1997-2005, dengan implikasi bahawa dakwah tidak semestinya serupa dengan tuntutan di negara lain kerana iklim dan senario masyarakat natif yang berbeza yang menuntut pendekatan yang berbeza. Dalam menjalankan misi dakwahnya, kader dakwahnya dibekalkan dengan pengetahuan teknologi dan ICT sebagai wasilah, dan dilatih dalam usrah dan tamrin, diberikan pendedahan dengan tuntutan asas dalam operasi dakwah, dan pemahaman tentang misi Kristian, dan Zionis, dan gerakan kerohanian yang terpesong yang lain seperti Bahai dan Qadiani.

Citra dan perjuangan ABIM dalam menegakkan dakwah jelas memperjuangkan garis mazhab al-Faruqi yang menekankan kepada nilai-nilai rabbani, dan menegakkan cita-cita Islam dan diskusi Islamis. Ini dianalisis oleh Mona Abaza (2002) dalam bukunya yang menegaskan: "*al-Faruqi's writings ring with a powerful populism, very similar in tone to present day Islamist discourse.*" Cita-cita Islamiyyah ini turut dibayangkan oleh al-Faruqi: "*Never in Islamic history has the cry of Allahu Akbar (God is the greatest) been needed on the intellectual level as it is today.*" (Mona Abaza, 2002). Pengaruh dan aspirasi ini dimanifestasi dalam misi ABIM yang ditegakkan sebagai "Gerakan Islam yang komprehensif untuk merealisasikan cita-cita Islamiyyah" dan visinya yang proaktif untuk "membina dan memimpin tamadun khayr ummah".

Peranan dakwah yang digalas ABIM banyak menekankan usaha pembaikan dan pembaharuan ummah yang diperjuangkan oleh al-Faruqi, yang berjuang memperbaiki kelemahan dan kepincangan terhadap pemikiran dan kehidupan umat, seperti disimpulkan

oleh DS Anwar dalam ucaptamanya pada acara The Ismail Faruqi Award Presentation Ceremony (1995): *"he was acutely conscious of the realities of the time and the condition of the contemporary ummah"*. [beliau menyadari dengan tajam tentang realiti semasa dan kondisi ummah kontemporer]

Pendekatan dakwah ABIM turut terkesan dengan kaedah pergerakan yang digariskan al-Faruqi berdasarkan dialog (*hiwar*) sebagai alternatif kepada praktis dakwah tradisional. Ia bertujuan untuk memahami dan menghargai kepercayaan dan mengenali kebudayaan lain. Manhaj yang ditegakkannya ini adalah berdasar kepada prinsip *"lita'arafu"* yang diungkapkan dalam al-Qur'an (al-Hujurat: 13). Ini telah memungkinkan penyebaran dakwah Islam dengan lebih meluas, tanpa menggunakan kekerasan atau paksaan dalam menegakkan keyakinan dan akidah. Ini menjadi asas penting yang mewarnai pendekatan dakwah ABIM yang memilih aliran sederhana (*tayyar wasati*).

Dalam usaha dakwahnya, al-Faruqi menaruh keyakinan yang tinggi terhadap ABIM untuk merealisasikan pembaharuan yang menyeluruh di Malaysia bagi mempertahankan benteng akidah dan membela nasib umat. Hasrat ini direalisasikan oleh pimpinannya yang mempunyai kedudukan penting dalam kerajaan dan struktur masyarakat, seperti diungkapkan oleh Shireen Hunter (2002): *"Its (ABIM) members and former members became a pervasive presence in responsible positions in society during the 1980s and 1990s. They hold senior positions in government and the bureaucracy, in university administrations and faculties, in the media and corporate sectors. When Anwar Ibrahim, its founder, became a member of the government of Prime Minister Mahathir Mohammed, ABIM's influence reached its peak"*. Dalam isu pemikiran, pendidikan, dan dakwah ABIM mengambil pandangan yang realistik dalam mengusahakan musyawarah dan dialog dengan semua pihak, dengan mempertahankan posisinya sebagai non partisan. Sikap ini juga terkesan dari pengaruh al-Faruqi sebagai aktivis, yang tidak menunjukkan kecenderungan politik, dalam usahanya untuk menegakkan citra perjuangan dan menggerakkan aspirasi perubahan di Malaysia.

Sikap konfrontasi dan kombatif yang ditunjukkan oleh ABIM selama ini dalam mengasak nilai-nilai Islam telah dileburkan dengan pandangan dan aspirasi baru yang rekonsiliatif, yang dicorakkan dari pandangan dan aspirasi dakwah yang dianjurkan al-Faruqi, yang menggagaskan kefahaman Islam yang rasional dan progresif, dan mempertahankan aspirasi kebebasan, nilai sivil dan demokratik, seperti ditekankan oleh Shireen Hunter (2002, 250): *"Its (ABIM) vision of an Islamic state emphasized democracy, pluralism, and social justice. It denounced communalism, racism, and sectarianism and spoke of the need for*

tolerance and mutual respect. Its advocacy of shari'a was accompanied by an emphasis on the preservation of non-Muslim rights in a democratic, multiracial society".

DIALOG PERADABAN

Perjuangan ABIM untuk menggerakkan dialog peradaban jelas dicorakkan dari aspirasi dan garis pemikiran al-Faruqi yang bersifat universal dan inklusif, yang meraikan realiti dan aspirasi masyarakat. Khittah perjuangan yang inklusif ini jelas dibayangkan oleh Shireen Hunter (2002): "*ABIM's ideology was crafted more to speak to the realities of a multiethnic, multireligious society.*" Praktis dari keterbukaan dan toleransi budaya ini telah menghasilkan momentum yang jelas dalam aktiviti ABIM sejak akhir 70an dengan natijah yang signifikan dalam mempertahankan sikap saling menghormati dan memahami, yang "sangat mustahak dalam masyarakat berbagai agama dan budaya seperti Malaysia" (Muhammad Nur Manuty, 1997).

Fenomena ini telah ditilik oleh Muhammad Nur Manuty, mantan presiden ABIM (1991-1997), dalam kertas kerjanya yang dibentangkan di International Seminar on Civilizational Dialogue (Seminar Antarabangsa tentang Dialog Peradaban) bertajuk "*Inter-civilization dialogue at the community level: the case of Malaysian society*" (Dialog antara-peradaban pada peringkat komuniti: kes tentang masyarakat Malaysia) yang meninjau eksperimen dan pengalaman tentang pertemuan budaya dan dialog antara agama di antara pertubuhan sukarela Malaysia yang terpilih: "sebagai contoh, ABIM (Angkatan Belia Islam Malaysia) – salah satu dari pertubuhan Islam yang terkemuka di negara ini telah terlibat dalam dialog-antara agama dengan komuniti Kristian, Hindu, dan Buddha sejak 1970 an. Mungkin boleh dikatakan bahawa ABIM telah berjaya dalam membuka ruang untuk bangsa lain dengan latar belakang agama yang berbeza dalam pelbagai perkara.

Pada tahun 1989, ABIM dan MYM (Malaysian Young Movement – Gerakan Belia Malaysia) – pertubuhan belia Cina dengan lebih 200,000 ahli telah berganding bahu menganjurkan "Kem Rohaniah" di Port Dickson, Negeri Sembilan, yang merupakan acara yang signifikan dalam sejarah kita yang dihadiri oleh belia Islam dan Buddha yang komited...pengalaman mereka melalui aktiviti rentas agama dan budaya pastinya akan memacu proses integrasi nasional dan visi untuk mencapai masyarakat madani." (1997) Fenomena ini dapat dikesan dari pengaruh al-Faruqi, dan inisiatif dialog dan faham peradaban yang dianjurkannya, sebagaimana dirumuskan oleh Zuriati dan Engku Ahmad Zaki (2010): "Ismail Raji al-Faruqi merupakan seorang yang kental dengan keyakinannya kepada dialog antara-agama."

KESIMPULAN

Kajian ini telah memperlihatkan impak dan pengaruh yang monumental yang dicetuskan oleh al-Faruqi terhadap inteligensia ABIM, yang mengilhamkan kekuatan kepada harakat dakwah dan cita-cita Islamiyyah yang diperjuangkannya. Fikrah dasarnya tentang kebebasan, dialog peradaban, semangat perubahan, tradisi akliyah, uslub dakwah, dan teori pemikirannya yang universal telah dikembangkan dengan cukup meluas di dalam polisi dan dasar ABIM. Sumbangannya dalam mencetuskan aspirasi perubahan dan transformasi ini telah memperlihatkan kesan dan pengaruhnya yang jelas dalam perjuangan dan wajah Islamnya yang kritis untuk membela dan melakar masa depan dan survival umat yang digalas oleh ABIM dan aspirasinya dalam penggemblengan masyarakat madani dan penciptaan tamadun khayr ummah.

DAFTAR PUSTAKA

- Abaza, Mona. (1999). Intellectuals, Power and Islam in Malaysia: S.N. al-Attas or the Beacon on the Crest of a Hill. *Archipel*, 58: 189-217.
- Abaza, Mona. (2002). *Debates on Islam and Knowledge in Malaysia and Egypt: Shifting Worlds*. London: Routledge.
- Anwar Ibrahim. (1993). Muslim Ummah: Vision and Hope. *Intellectual Discourse*, 1 (1): 5-8.
- Anwar Ibrahim. (1995). *Keynote Address. The Ismail Faruqi Award Presentation Ceremony*. International Islamic University Malaysia, 28 February 1995.
- Ataullah Siddiqui. (1999). Ismail Raji al-Faruqi: From 'Urubah to Ummatic Concerns. *The American Journal of Islamic Social Sciences*, 16 (3): 1-26.
- Al-Attas, Syed Muhammad Naquib. (1969). *Preliminary Statement on A General Theory of the Islamization of the Malay-Indonesian Archipelago*. Kuala Lumpur: Dewan Bahasa dan Pustaka.
- Esposito, J.L. & Voll, J.O. (2001). *Makers of Contemporary Islam*. Oxford: Oxford University Press.
- al-Faruqi, Ismail R. & Lois Lamya. (1998). *Atlas Budaya Islam: Menjelajah Khazanah Peradaban Gemilang*. (Ilyas Hasan, Terj.). Bandung: Mizan.
- al-Faruqi, Ismail R. (1962). *'Urubah and Religion: A Study of the Fundamental Ideas of Arabism and of Islam as Its Heights Moment of Consciousness*. Amsterdam: Djambatan.

- al-Faruqi, Ismail R. (1981). Islamizing the Social Science. Dalam *Social and Natural Science*.
al-Faruqi, I.R. dan Nascef, A.O. (eds.). Jeddah: King Abdul Aziz University.
- al-Faruqi, Ismail R. (1981). *Surat kepada Presiden ABIM*. 26 Januari 1981.
- al-Faruqi, Ismail R. (1985). Tawhid: The Quintessence of Islam. *Journal of South Asian and Middle Eastern Studies* VIII (Summer 1985).
- al-Faruqi, Ismail R. (1988). *Islamization of Knowledge: Problems, Principles, and Prospective. Dalam Islam: Source and Purpose of Knowledge*. Herndon, Virginia: International Institute of Islamic Thought.
- al-Faruqi, Ismail R. (1990). The First Principles of Islamic Methodology. Islamic Thought and Scientific Creativity, *A Comstech Quarterly Journal*, 5 (1), January-March: 37-50.
- al-Faruqi, Ismail R. (1992). *Atlas Budaya Islam*. (Mohd Ridzuan Othman, Mohd. Sidin Ishak, Khairuddin Harun, Terj.). Kuala Lumpur: Dewan Bahasa & Pustaka.
- al-Faruqi, Ismail R. (1994). *al-Tawhid: Its Implications For Thought And Life*. Herndon, Virginia: The International Institute of Islamic Thought.
- al-Faruqi, Ismail R. (1994). *Islam*. New York: Amana Publications.
- al-Faruqi, Ismail R. (1999). *Christian Ethics: A Historical & Systematic Analysis Of Its Dominant Ideas*. Kuala Lumpur: A.S. Noordeen.
- al-Faruqi, Ismail R. (1999). *Islam and Other Faiths*. Ataullah Siddiqui (ed.). Leicester: The Islamic Foundation.
- al-Faruqi, Ismail R. (2000). *al-Tawhid: Kesannya Terhadap Pemikiran dan Kehidupan*. Batu Caves, Selangor: Thinkers Library.
- al-Faruqi, Ismail R., & Sopher, D. E. (1974). *Historical Atlas Of The Religions Of The World*. New York: Macmillan.
- al-Faruqi, Ismail R.. (1982). *Islamization of Knowledge: General Principles and Work Plan*. Washington, D.C.: International Institute of Islamic Thought (IIIT).
- First World Congress on Integration and Islamicisation of Human Knowledge*, 23-25 Ogos 2013 <<http://www.iium.edu.my/FWCII2013/information.php>>, diakses 4 Ogos 2013.
- Ford Jr, F.P. (1993). Isma'il al-Faruqi on Muslim-Christian Dialogue: An Analysis from a Christian Perspective. *Islam and Christian-Muslim Relations*, 4: 268-282.
- Furlow, C. A. (2005). *Islam, Science, and Modernity: From Northern Virginia to Kuala Lumpur*. Tesis PhD, Department of Anthropology, University of Florida.
- Haslina Ibrahim. (2008). *al-Faruqi and His Principles of Meta-Religion: The Islamization of Comparative Religion*. *Kulliyyah Research Bulletin* 3 (1): 1-3.

- Hazarudin Baharudin. (2002). Teori Pengislaman Ilmu Ismail al-Faruqi: Suatu Kajian Terhadap Pelaksanaan Pakej Sijil Terbuka (SPM/KBSM) Kementerian Pendidikan Malaysia. Tesis M.A., Akademi Pengajian Islam, Universiti Malaya.
- Hunter, S. (ed.) (2002). *Islam, Europe's Second Religion: The New Social, Cultural, and Political Landscape*. Washington, D.C.: Center for Strategic and International Studies (CSIS).
- Ibrahim Mohamed Zein. (2011). Religions As a "Life Fact": al-Faruqi's Impact on the International Islamic University Malaysia. *The American Journal of Islamic Social Sciences*, 28 (3): 53-74.
- Ibrahim Mohamed Zein. (2012). Personal Experience with al-Faruqi. Dibentangkan dalam *2nd International Conference on Contemporary Scholarship on Islam: The Legacy of Ismail Raji Al-Faruqi*. 22-23 Oktober, Kuala Lumpur, Malaysia.
- Ilyas Ba-Yunus. (1988). Al Faruqi and Beyond: Future Directions in Islamization of Knowledge. *The American Journal of Islamic Social Sciences*, 5 (1): 13-27.
- Imtiyaz Yusuf, ed. (2012). *Islam and Knowledge: Al Faruqi's Concept of Religion in Islamic Thought*. London: I.B. Tauris.
- Imtiyaz Yusuf. (1997). Strengthening Civilisational Dialogue within ASEAN: Problems and Prospects, the Religio-Cultural Aspect. Kertas kerja dibentangkan dalam 3rd: *International Seminar on Civilisational Dialogue*. 15-17 Sept, Kuala Lumpur.
- International Islamic University Malaysia. (1997). *Undergraduate Prospectus*. Petaling Jaya: International Islamic University Press.
- International Islamic University Malaysia. (1998). *Undergraduate Prospectus 1998-99*. Petaling Jaya: International Islamic University Press.
- Kamaruzaman, K.O. (2013). Ismail Raji al-Faruqi in the Context of Muslim Scholarship in Comparative Religion. Dibentangkan dalam *2nd International Conference on Contemporary Scholarship on Islam: The Legacy of Ismail Raji al-Faruqi*. 22-23 Oktober, IIUM, Kuala Lumpur.
- Miriam Abdul Halim. (2007). A Study of the Thought of Ismail Faruqi on Science, Islam and Modernity. Disertasi M.sc., Jabatan Pengajian Sains & Teknologi, Fakulti Sains, Universiti Malaya.
- Mohd Nazri Hashim. (2004). Islamic Movement (ABIM) in Kedah. Tesis Bachelor of Da'wah dan Islamic Management, Faculty of Leadership and Management, Kolej Universiti Islam Malaysia, Kuala Lumpur.

- Muhammad Kamal Hassan. (2001). *Intellectual Discourse at the End of the 2nd Millennium: Concerns of A Muslim-Malay CEO*. IIUM Press: Kuala Lumpur.
- Muhammad Kamal Hassan. (2011). al-Wasatiyyah as Understood and Defined by Islamic Scholars in Contemporary Singapore and its Consistency with Ismail Al Faruqi's Vision of Ummatan Wasatan. *The American Journal of Islamic Social Sciences*, 28(3): 35-57.
- Muhammad Kamal Hassan. (2013). Isma'il al-Faruqi's Vision of Tawhidic Worldview. Keynote Address. *2nd International Conference on Contemporary Scholarship on Islam: The Legacy of Ismail Raji al-Faruqi*. 22-23 Oktober, Kuala Lumpur.
- Muhammad Nur Manuty. (1997). Inter-Civilization Dialogue at the Community Level: the Case of Malaysian Society. Dibentangkan dalam *3rd International Seminar on Civilisational Dialogue*. 15-17 Sept, Kuala Lumpur.
- Quraishi, M. Tariq. (1986). *Isma'il al-Faruqi: An Enduring Legacy*. Plainfield, Indiana: Muslim Students Association of the United States and Canada.
- Rida, Muhammad Rashid. (1337 H). *Tafsir al-Manar*. Vol. 4. Mesir: Dar al-Manar.
- Schottmann, S. A. (2013). God Helps those who Help Themselves: Islam According to Mahathir Mohamad. *Islam and Christian-Muslim Relations*, 24 (Jan 1): 57-69.
- Shafiq, Muhammad. (1994). *The Growth of Islamic Thought in North America: Focus on Isma'il Raji al-Faruqi*. Brentwood, Maryland: Amana Publications.
- Voll, J.O. (1994). *Islam: Continuity and Change in the Modern World*. New York: Syracuse University Press.
- Zulfa Jamalie. (2011). Analisis Pemikiran Mahathir Mohamad Mengenai Islam dan Pelaksanaan Dasarnya dalam Negara Malaysia. Tesis PhD., Kolej Undang Undang, Kerajaan dan Pengajian Antarabangsa, Universiti Utara Malaysia.
- Zuriati, Mohd Rashid, & Engku Ahmad Zaki, Engku Alwi (2010). al-Faruqi and his Views on Comparative Religion. *International Journal of Business and Social Science*, 1 (1): 06-119.